

Oqaluuserisassanut nassuiaat.

(Inatsisartut Siulittaasuut)

Oqaluuserisassani immikkoortut 97-ip, 161-ip, 114-ip 115-illu aappassaaneerseqarnissaat maajip ulluisa 23-annut kinguartinneqarput.

Immikkoortut pineqartut qulequtaraat:

97: Nioqutissanik eqqussuinermi akitsuutit pillugit Inatsisartut inatsisaata allanngortinnissaanut, taamaasilluni tipigissaatit, pinneraatit eqqiluisaarnermullu atortut eqqussinermut akitsuutaat (Akitsuutit normuat 090) peerneqarluni, Naalackersuisut siunnersuummik saqqummiussaqaarnissaannik piunaffigineqassasut Inatsisartut aalajangiiffigisassaattut siunnersuut.

161: Nioqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaannut siunnersuut. Immikkoortoq 161 maajip ulluisa 28-anni aappassaaneerseqassaaq.

114: Inatsisartut inatsisaat nr. 19, 30. oktober 1992-meersumi, Inatsisartullu inatsisaanni nr. 23, 18. november 2019-mi allanngortinneqarsimasoq, siunertaavorlu sukkulaanut, allanullu sukkulaartalinnut (kakaaviunngitsoq), lakridsinut, allanullu lakridsitalinnut, marcipanit allaallu marcipanitallit, karamellit, milukaat, sukkuvaqqat il.il. sukkullit sukkoqanngitsullu § 1, imm. 1. nr. 2-miittunut akitsuutip peerneqarnissaa pillugu Inatsisartut aalajangiiffigisassaattut siunnersuut.

115: Imeruersaatit puuinut akitsuutip peernissaa pillugu Naalackersuisut UKA2024-mut inatsisissamik saqqummiussaqaqqullugit peqquneqarnissaat pillugu Inatsisartut aalajangiiffigisassaattut siunnersuut.

Oqaluuserisassani immikkoortut 37-ip, 75-ip 123-llu aappassaaneerseqarnissaat maajip ulluisa 28-annut kinguartinneqarput.

Immikkoortut pineqartut qulequtaraat:

37: Kalaallit Nunaanni eqqartuussisarnermik inatsisip llanngortinneqarnera pillugu inatsisissatut siunnersuutip (Inatsisip unioqqutinneqarneranni pinerluttoqarsimaneramik paasiniaanermut ilaatillugu politiit inunnik sunniiniartartunik atuinerat il.il.)

Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut.

75: Namminersorneq pillugu Inatsimmi § 21-p atuutsilersinneqarnissaa siunertaralugu ataatsimiititaliamik pilersitsisoqarnissaanik Naalackersuisut peqquneqarnissaannik Inatsisartut aalajangiiffigisassaattut siunnersuut.

123: Inatsisartunut qinersinissamut atatillugu Naalagaaffinngornissaaq pillugu isumasiuilluni innuttaasut taaitinneqarnissaannik Naalackersuisut peqquneqarnissaat pillugu Inatsisartut aalajangiiffigisassaattut siunnersuut.

Oqaluuserisassani immikkoortup 17-ip aappassaaneerneqarnissaa maajip ulluisa 23-annut pingajussaaneerneqarnissaalu maajip ulluisa 28-annut kinguartinneqarput.

Immikkoortup 17-ip qulequtaraa: Uunga siunnersuut Naligiissitaaneq assigiinngisitsinnginnissarlu pillugit Inatsisartut inatsisaat.

Oqaluuserisassani immikkoortut 34-ip aappassaaneerneqarnissaa UKA2024-mut kinguartinneqarpoq.

Immikkoortup 34-ip qulequtaraa: Uunga siunnersuut Peqqinnissaqarfiup iluani napparsimasut naammagittaalliuuteqarsinnaanerit taarsiiffigineqarsinnaanerallu pillugit Inatsisartut inatsisaat.

Oqaluuserisassani immikkoortup 77-ip aappassaaneerneqarnissaa UKA2024-mut kinguartinneqarpoq.

Immikkoortup 77-ip qulequtaraa: Ilisimatusarfimmi Ilinniartitsisunut, Perorsaasunut aammalu Isumaginninnermut Siunnersortinut ataatsimut kandidatinnigorniarfissamik Naalakkersuisut pilersitseqqullugit peqquneqarnissaannik Inatsisartut aalajangiiffigisassaattut siunnersuut.

Taasisarnerit pillugit uku akornanni isumaqatigiissuteqartoqarpoq:

Knud Mathiassen, Naleraq aamma Adam Kristensen, Inuit Ataqatigiit.

Jens-Frederik Nielsen, Demokratit aamma Asii Chemnitz Narup, Inuit Ataqatigiit.

Pele Broberg, Naleraq aamma Anders Olsen, Siumut.

Anna Wangenheim, Demokratit aamma Doris J. Jensen, Siumut